

URIKALDUAK



¡O! zer doakabea
Zayoten gertatu,
Itsas gogorrek nonbait
Ditu menderatu,
Laguntzarik inondik
Ez dute arkitu,
Eta urikalduak
Dirade gelditu.

Nola ote diraden
Ibilli gajuak,
Jakin nai nuke bañan
Bakarrik Jainkuak
Daki, ayen orruak
Ta antsi mintsuak,
Izango ziran guztiz
Penagarrizkuak.

Gurasoak negarrez
Semeak faltarik,
Emazteak ere bai
Tristuraz beterik;
Umezurtza gaiñuak
Ez dute aitarik,
Laztan bat emateko
Lepotik eldurik.

Biyotzetikan degu
Guztiyak sentitzen,
Neri malkuak zaizkit
Begira etortzen,
Maitasun aundiakin
Jaunari eskatzen,
Diyot, ote dituben
Bereganatutzen.

FELIPE CASAL OTEGUI.

